

Escrito por VM
Venres, 06 Xuño 2008 03:16



Hoxe venres 6 de xuño, terá lugar no Pazo da Escola de Mañufe-Gondomar ás 20:30 h. a última das TERTULIAS DO IEM deste curso 2007/08. Para poñer o ramo aos faladoiros deste curso estará con nós o historiador e Presidente do Consello da Cultura Galega Ramón Villares.

Ramón Villares Paz naceu en Vilalba en 1951. É catedrático de [Historia Contemporánea](#) da Universidade de Santiago de Compostela desde 1987 e é membro electo do Pleno do Consello da Cultura Galega desde 2003, ano no que comezou a dirixir o seu Arquivo da Emigración Galega e a Sección de Cultura Galega no Exterior e en abril de 2006 foi elixido presidente do Consello da Cultura Galega.

Foi decano da Facultade de Xeografía e Historia no período 1986-1990, rector da Universidade de Santiago entre 1990 e 1994 e membro fundador e presidente da Asociación española de Historia Contemporánea (1996-2002). Foi tamén director en Galicia da [Universidade Internacional Menéndez Pelayo](#).

É autor de máis de setenta publicacións, entre as que destacan libros como “La propiedad de la tierra en Galicia, 1500-1936”, “Foros, frades e fidalgos, Estudos de historia social de Galicia”, “Figuras da nación” e El mundo contemporáneo, siglos XIX y XX, Editorial Taurus, Madrid, 2001 (en colaboración) entre outros, ademais da reeditada en varias ocasións “Galicia. A Historia” (con versión en lingua española e portuguesa).

Dirixiu dezaseis Teses de doutoramento e vinte Memorias de Licenciatura, ademais de ter sido tamén Investigador Principal de cinco Proxectos de Investigación (CYCIT e Xunta de Galicia), así como de varios Convenios de Asistencia Técnica. Realizou estadias de investigación na Universidade de Bologna (Italia) e no centro “Alcide Cervi” de Roma, ademais de ser Profesor convidado na Ecole de Hautes Etudes (París) e no Instituto de Ciencias Sociais (Lisboa). Forma parte do Consello Editorial de Marcial Pons, Ediciones de Historia e pertence ao consello asesor de revistas como Ayer (M.Pons Ediciones de Historia), Historia Social (Valencia), Hispania (Madrid), Ler Historia (Lisboa) ou Perspectivas Históricas (México).

Escrito por VM

Venres, 06 Xuño 2008 03:16

O noso convidado será presentado por Carlos Méixome, director do IEM.

Ao remate do acto aberto ao público e como é costume haberá unha cea co noso convidado, no mesmo Pazo da Escola, á que se pode asistir previa reserva no 680 644 490 ou ben no enderezo electrónico direccion@minhor.org.